

La Salle College ta presenta “Pa Madiki cu Amor”

ORANJESTAD - Pa di 3 aña consecutivo La Salle College ta participa na e proyecto di Aruba Bank “Good 4 the Neighborhood. E proyecto aki ta pa alumnonan di klas 3 di scolnan secundario di Aruba. E alumnonan mester traha den un team, a base di un plan bou di guia di nan scol y Aruba Bank. E ta stimula alumnonan pa ta socialmente mas consciente, critico y activo den comunidad. Nan ta desaroya habilidadnan social, responsabilidad y siña tuma iniciativa. Esakinan ta habilidadnan esencial pa e desaroyo di cada hoben.

STIMULA ALUMNO Y MAESTRONAN

Como un MAVO school cu un vision cu ta stimula ciudadania activo di e alumno y maestronan, ta participa cu hopi entusiasmo y motivacion na e proyecto di e aña aki.

Nan proyecto ta consisti di 2 parti:

- E limpieza y renobacion di e bario Madiki-Kavel den Oranjestad. Lo tin un dia di limpieza caminda ta pidi cooperacion di no solamente La Salle College pero di tur habitante di Madiki-Kavel mes.
- E limpieza y renobacion di e parke di mucha den Madiki-Kavel.



“Pa Madiki cu Amor”. Un iniciativa di La Salle College, cu lo bay ta bezig cu e limpieza y renobacion di Madiki Kavel.

Den e bario aki tin un parke pa mucha cu mester di renobacion. E structuranan existente lo wordo renoba y e heki rond di e parke lo wordo reemplasa/ drecha. E parke aki lo haya tambe un balor educacional reenforando e normanan y balornan den mucha y e habitantenan di e bario. E bario y e parke pa mucha lo haya na diferente caminda strategico borchinan colorido den caricatura cu diferente dichonan na papiamento regardando e limpieza y conscientisacion pa futuro. E parke lo haya un skina cu por fungi como area di picnic y area di lesa, caminda cu e area lo wordo provee cu borchinan cu ta reenfora e conocimiento intelectual di e muchanan.

Den transcurso di e simannan padilanti La Salle College lo keda informa comunidad di e desaroyo di e proyecto “Pa Madiki cu Amor”. Un danki special na Aruba Bank pa e bunita iniciativa aki y hopi exito na tur e scolnan y alumnonan cu ta participando. □